

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghvau Swvu Veijvenzvei Cawjibanh: Gvangsiah Minzcuz Bause Geiz neix 8 bani
广西民族报 Aenhauhokbanj: CN45-0036 B.2023 Nd.12 Ng.13 Liggaueq gveijmaux nienz ndwen'it coit Geizsoq: Gungh daih 3601 geiz

Cek Saw 《Seiswz Mizmingz Cunghvaz (Sawgun Sawcuengh Doiqciuq)》Okbanj 汉壮双语有声诗词读物《中华经典诗词(汉壮对照)》出版

Mboengqneix, cek saw 《Seiswz Mizmingz Cunghvaz(Sawgun Sawcuengh Doiqciuq)》okbanj, cek saw neix dwg Gvangsiah Minzcuz Yijvwnz Yenzgiu Cunghsinh comzvunz bien-raiz, Gvangsiah Gyauyuz Cuzbanjse okbanj fathengz. Aen hanghmoeg neix ndaej haeuj aen hanghmoeg gviveh okbanj gaiq okbanj cungdenj guekgia "cibsei q haj" caeuq baenz-roix vwnzyen mizmingz couqmaenh gij eiqsik caezcaemh Cunghvaz Minzcuz.

Seiswz mizmingz Cunghvaz dwg gij gaiqdap youqgaenj vwnzva cienzdoengj maenhndei Cunghvaz, hix dwg

gij cingsaenz caizfouq gak minzcuz caezcaemh cau, geiqloeg gij dau-ngeix caeuq cingzgamj gak minzcuz caezcaemh. Vih bangcoh bouxdoeg Bouxcuengh baengh cihsaw minzcuz bonjfaenh, cinjdeng bae roxyiuj seiswz mizmingz Cunghvaz, cimz gij cingz yinx de, roxyiuj gijndei de, roxnyinh gij yinxdaeuz, doengzseiz hix aeu faenzbonj moq daegbied hawj bouxdoeg minzcuz wnq, Gvangsiah Minzcuz Yijvwnz Yenzgiu Cunghsinh gaenjdaet hopheux couqmaenh gij eiqsik caezcaemh Cunghvaz Minzcuz, senjleh 100 hot seiswz mizmingz Cunghvaz bien hoiz baenz 《Seiswz

Mizmingz Cunghvaz(Sawgun Sawcuengh Doiqciuq)》，doengh gij seiswz neix dwg senj daj gij saehsaed sengdoengh Senhcinz daengz Cing-cauz, dwg naeuz gij lizsij baenaj gak cuz lwgminz caezcaemh cau aen guekcoj hungmbwk、langhbaiz gak minzcuz doxcunz doxyau doxyungz. Seiswz senj okdaeuj cungj miz yaemlwd daegbied caeuq neihanz lai, gangjnaeuz danqhaenh byadah gyaendei guekcoj、minzcuz doxndei doxcunz caeuq vwnzva cienzdoengj maenhndei、gyoengq vunz gyaenz guek miz ceiqheiq daengj, langhbaiz gij cingz gyaenz guek gyaenz ranz

canghraiz.

Ciuq cam rox, aen hanghmoeg neix daj senjleh seiswz、faen loih、fanhoiz cingjeix、loegguh sing'yaem, caiq daengz bienhaed okbanj, ging-gvaq 3 bi. Daengx cek saw aen cungjganh dwg couqmaenh gij eiqsik caezcaemh Cunghvaz Minzcuz, daj aen gwzgziz hung vwnzva Cunghvaz Minzcuz lai yiengh doxcaemh haidin, moix hot seiswz souloeg haenx, cungj miz Sawgun caeuq Sawcuengh doiqciuq fanhoiz, caemh-caiq boiq miz sing yungh Vahgun Vahcuengh doeg dem.

(Veiz Munglingz)



Yungzsuij:

Seizdoeng Mbanjmyauz
Yinx Hek Daeuj

融水:冬日苗寨引客来

12 nyied 9 hau, Yungzsuij Myauzcuz Swciyen Mungvuh Mbanjmyauz guh doengznienz、max doxdik、boq aenvenz、diuq foux daengj minzsuz hozdung lai yiengh, yinx ndaej haujlai bouxhek daeuj yawjgonz、ingjsiengq. Ndaw doz dwg vwnzmbanj cingq diuq foux.

(Lungz Linzci/龙林智 ingi)

Nanzningz Si Yunghningz Gih Banh Doxdax Guh Ciengj Bauqva Bouxcuengh 南宁市邕宁区举行壮族抢花炮制作比赛

Mboengqneix, Nanzningz Si Yunghningz Gih banh 2023 nienz guekgia gaep feihvuzciz vwnzva yizcanj daibyausjng hanghmoeg——doxdax guh ciengj bauqva Bouxcuengh. Baez doxdax neix muzdiz dwg gunghanq aen doih cienzswnj feihyiz, guh ndei hong cienzswnj feihyiz hanghmoeg ciengj bauqva Bouxcuengh.

Baez doxdax neix gyoengq vunz bingzsaemj youz aen doih ciennieb

bingzsaemj caeuq vunz lai bingzsaemj gapbaenz. Gyoengq vunz ciennieb bingzsaemj dwg swcigh gaep feihvuzciz vwnzva yizcanj daibyausjng bouxcienzswnj、gak hagdangz lauxsae caeuq aen gihgou diyzuz daengj gapbaenz. Vunz lai bingzsaemj dwg dangciengz senj 20 boux vunzyawj gapbaenz, ginggvaq bingzsaemj, doek-laeng senjok it daengjciengj boux ndeu, ngeih daengjciengj 2 boux, sam daengjciengj 3 boux, ciengj maenh-

ndei 4 boux.

Swcigh gaep feihvuzciz vwnzva yizcanj daibyausjng bouxcienzswnj Sunh Swjgiz naeuz, binaengz liggaueq ndwengeih co'ngaih Bouxcuengh guh ciengj bauqva, doiq Bouxcuengh daeuj gangj miz yiyi lai, dangguh guekgia gaep feihvuzciz vwnzva yizcanj daibyausjng hanghmoeg, engq aeu lai cienzswnj aen hanghmoeg neix, maqmuengh doenggvaq baez doxdax neix langhbaiz gij yinxdaeuz vwnzva

ciengj bauqva Bouxcuengh, caenh-itbouh doidoengh Nanzningz Si Yunghningz Gih feihyiz cienzswnj saehnieb hwngfat ndei saed.

Baez doxdax neix langhbaiz le guhlawz guh ciengj bauqva Bouxcuengh, langhbaiz le ciengj bauqva Bouxcuengh youq seizdaih moq guhlawz cienzswnj caeuq cauhoq, coenghrendz Nanzningz Si Yunghningz Gih feihyiz vwnzva saehnieb hwngfat.

(Vangz Yungi)